

TA 1979.5  
CF 1865

ms  
er  
ll  
ll  
g  
ra  
s

榕腔神詩

tu  
...  
Colloquial Hymns  
- prepared by Rev  
Wm C. Burns & members  
of this & the M. E. Ch.  
and issued from Press  
of the latter for  
common use. 1865

LIBRARY A. B. C. F. M.

2074

TA1979.5  
CF1865

12

Collection of  
- prepared by  
Mr. J. C. Brown  
of the U. S. Geol. Surv.  
and since for  
of the  
Common use. 186

LIBRARY A. B. C. D. E.

耶穌一千八百六十五年



榕腔神詩

同治四年

福州美華書局活板

TA 19795/1865  
/CF

HARVARD-YENCHING LIBRARY  
HARVARD UNIVERSITY  
2 DIVINITY AVENUE  
CAMBRIDGE, MASS. 02172

詩序

蓋上帝尊名，悉宜頌美。教會禮拜，首重謳歌。考自古以來，凡崇拜耶和華上帝者，無不資於吟咏也。試觀摩西攜以色列族出埃及，涉紅海，嘗作一歌頌美耶和華上帝，歌曰：赫兮喧兮，耶和華歟。當謳歌之，馬與乘者，俱驅於海。耶和華施能，援手拯我，我爲謳歌，我之上帝，我極其揄揚。我父之上帝，我高其品評。見出埃及記十五章一節二節。又先知婦亞倫姊米哩暗手執鼓，諸女亦執鼓相從，舞蹈而出。米哩暗和其謳曰：赫兮喧兮，耶和華歟。馬與乘者，俱驅於海。見出埃及記十五章二十節二十一節。是時約在中華商朝也。及大闢王感聖神，復作詩篇，勸人頌美上帝。詩曰：耶和華兮，我之救主。爾曹偕我謳歌頌美之兮，我以揄揚之語，昌言於前。欣然咏詩，頌之靡已兮。見詩篇九十五篇一節二節。迨耶穌降世，亦於見賣之夜，咏詩見馬太二十六章三十節。嗣後聖徒保羅勸會友宜若何頌詩，嘗曰：以心頌詩，亦必使人達吾意。見哥林多前書十四章十五節。又曰：彼此酬答，以詩章歌頌神賦，口唱心和，而讚美乎主。見以弗所五章十九節。又曰：彼此勸誨，以詩章歌頌神賦，虔心頌主。見哥羅西三章十六節。又云：夜半保羅與西拉祈禱，咏詩頌上帝。囚者聞之，見使徒行傳十六章二十五節。聖

徒雅各亦曰、逸樂則謳歌、見雅各五章十三節、當是時耶穌門徒、無不託詩歌以自慰矣、自耶穌教通行各國、其所在聖會、悉有詩集一本、以爲公用、故於數年前、在福州設立教會時、卽依原本譯爲榕腔、使此處會友亦學吟咏、頌揚上帝之恩德、其始有大英國教士賓先生、譯出榕腔三十餘篇、此詩現爲教會常用、大有裨益、茲更易以大字、使會中老幼男女、便於頌讀、復有教士麥先生譯出十三篇、夏先生譯出六篇、以下更有二十九篇、係譯香港宗主之詩、統共八十餘篇、彙成一部、以爲教會之用、惟冀各會友及其家屬、咸知殷勤歌咏、以心頌詩、亦必使人達其意、又以詩章歌頌神賦、口唱心和、讚美上帝、更望衆會友得聖神默助、具有智慧、亦能各譯數篇、以增其數、不勝幸甚、

同治四年季春中浣譯著



榕腔神詩目錄

第一勸讚美上帝詩

第三天道總綱詩

第五主祈禱詩

第七行天路詩

第九來就耶穌詩

第十一上帝聖羔詩

第十三耶穌盡美詩

第十五認耶穌詩

第十七慕主之恩詩

第十九上帝保佑詩

第二十一天父洪恩詩

第二十三晚詩

第二十五禮拜日早晨詩

第二十七勸上天堂詩

第二棄假歸真詩

第四公眾禮拜詩

第六罪人得救詩

第八勸信耶穌詩

第十十字架詩

第十二耶穌福源詩

第十四耶穌尊名詩

第十六主爲吾牧詩

第十八除罪寶泉詩

第二十善人得福詩

第二十二早晨詩

第二十四拜六晚詩

第二十六主復活安息日詩

第二十八廣佈福音詩

第二十九天國禧年詩

第三十讚美上帝詩

第三十一救主受難詩

第三十二守禮拜日詩

第三十三教會同集謝恩詩

第三十四教會辭別安慰詩

第三十五永遠共主一堆詩

第三十六順服聖旨詩

第三十七求聖神感化詩

第三十八祈禱詩

第三十九充十字架兵詩

第四十求德行純全詩

第四十一清潔內心詩

第四十二讚美救主寵愛詩

第四十三請罪仗就耶穌詩

第四十四初信耶穌喜樂詩

第四十五讚美上帝詩

第四十六思慕救主恩詩

第四十七讚美救世鴻恩詩

第四十八萬國崇奉上帝詩

第四十九省心悟道詩

第五十真道要旨詩

第五十一基督降生詩

第五十二耶穌降世救人詩

第五十三論上帝三位一體詩

第五十四論上帝永生詩

第五十五論上帝無形無所不在詩

第五十六論上帝全能詩

第五十七論上帝萬福之源詩

第五十八論上帝無所不知詩

- 第五十九論上帝洞察人心詩  
第六十論上帝至慈至悲詩
- 第六十一論上帝俯聽祈禱詩  
第六十二論上帝至公至義詩
- 第六十三論上帝創造治理宇宙詩  
第六十四論萬國宜頌上帝詩
- 第六十五論馬利亞頌美上帝詩  
第六十六頌上帝鴻恩詩
- 第六十七論求上帝拯救詩  
第六十八論耶穌恒偕上帝詩
- 第六十九論耶穌代贖人罪詩  
第七十論耶穌代爲中保詩
- 第七十一頌美耶穌救世詩  
第七十二頌耶穌教化詩
- 第七十三論聖神感化人心詩  
第七十四論耶穌受難代贖人罪詩
- 第七十五論聖神降臨詩  
第七十六論求聖神新造我心詩
- 第七十七論聖神撫慰人心詩  
第七十八論讚美聖神啟迪詩
- 第七十九論聖神獨能感人改惡詩
- 第八十論受洗禮彰明耶穌之血及聖神洗滌人罪詩
- 第八十一論始祖亞當貽罪於世詩
- 讚美上帝詩



榕腔神詩

第一首

勸讚美上帝詩

天上主宰真上帝  
功勞頂大真正闊  
日頭一出滿塊光  
不見上帝見天象

造天造地件件儼  
應該稱讚都毛煞  
日落驚暗務月帮  
自知有主大無量

田務五穀園務花  
海裡魚鼈野栖類

槁木果子都作佳  
都是乞伕做毛配

天頂禮杯其鳥隻  
頭生野獸連蟲蟻

毛耕毛種也務儉  
天父照顧心毛離

上帝保護通世間

毛論中國共番邦

賜奴日日務口糧

也務厝葑共衣裳

上帝恩惠第一深

差遣耶穌救萬民

大家齊梨讚美伊

共伊漢謝唱新詩

第二首 棄假歸真詩

真主上帝造天地

儼光儼暗伊主意

日月轉輪都毛鄭  
上帝至善至慈悲  
日當做代冥晡困  
僕向菩薩求蔭庇  
菩薩偶像僕所做  
奴僕犯罪着沉淪  
天下僕僕大共細

上帝全能着稱讚  
僕僕該當服事伊  
上帝保護盡穩當  
眞主上帝大受氣  
上帝命令着除去  
上帝駛仔救靈魂  
着信耶穌拜上帝

第三首 天道總綱詩

律法條條誠先開解  
毛論蕪落佛位處  
可惜衆人盡蒙昧  
雕刻偶像去跪拜  
律誠只務說分明  
自家所欲着乞人  
可惜人情薄如紙  
損人利己人盡恁

教人敬愛天上帝  
人人本份着服事  
天條律法都違背  
得罪上帝受災害  
着愛別人像本身  
伊心我心都相同  
心裏存肯存仁愛  
愛人如己毛人儼



丹着悔罪順天道  
倚藉耶穌其寶血  
至尊上帝准祈禱  
駛奴敬愛天主宰

菩薩偶像盡除去  
洗我罪惡懺他格  
感化奴心呆變好  
時常待仗用仁愛

第四首 公眾禮拜詩

普天之下億兆蒼生  
應該齊梨上帝面前  
唱詩稱讚天上主宰  
專心服事向前敬拜

至尊上帝獨一無二  
生成萬物創造天地

上帝生我是我天父

日日蒙伊用心保護

大家近主應該歡喜

落主臺前大聲讚美

上帝恩惠施及萬民

比天故懸比海故深

普天之下億兆蒼生

讚美上帝全智全能

上帝極大慈悲恩惠

仁愛之心存至萬世

第五首 祈禱詩

儂家天父至高至聖

願汝大名乞伏尊敬

汝國設立廣闊無邊

汝旨得成在地若天

儂家日日所用口糧

求父今日且賜我如常

我赦別伙免伊所負

求赦我罪萬萬無數

保我毛遇誘惑其代

救奴脫離兇惡殘害

至萬世代國權榮光

都歸天父奴心所願

感謝天父極大仁愛

駛汝愛子教奴敬拜

天父面前務敢祈禱

是藉耶穌贖罪功勞

第六首 罪人得救詩

世間衆人罪孽多端  
你憑天理作惡喜歡  
都離上帝逆天法度  
去拜鬼神大犯天怒  
幸蒙上帝大施恩典  
設法救我脫離罪愆  
你是上帝全智全能  
罪人着死賣得永生  
耶穌受死贖我罪過  
聖神感化引歸救主  
罪得赦免心緒換新  
就上天堂享主光榮

第七首 行天路詩

行至天堂永活所在  
入門行路者伙頂少  
欲至天堂私慾着棄  
件件所做着照法度  
莫貪錢財金銀寶器  
休通亂講毛實其話  
驕傲其心着變謙卑

者門者路窄窄阻碍  
或驚迫逐或驚伙笑  
仅着細膩嘴目共耳  
約束七情哀樂喜怒  
莫害別人自家得利  
着學老實休通奸詐  
着憑四字愛人如己

着梨服事真活上帝

着認耶穌毛驚小禮

惟獨罪伙盡去軟弱  
懇求天父時刻施恩

行至半路常常愛歇  
助奴直頭行至天堂

第八首 勸信耶穌詩

真活上帝名耶和華

造吾始祖亞當夏娃

埃田樂園百菓賜他

富貴安樂無比

惜哉夏娃聽蛇詭言

食善惡菓亞當亦然

獲罪於天自取災殃

心悟卽驚且恥

二人違命心變邪僻

傳諸子孫義者無一

萬族代代患難哭泣

病痛死亡不已

幸蒙上帝心懷恤憐

遣其獨子來救萬民

耶穌愛我弗惜尊身

贖罪功成乃止

凡知悔罪賴主功勳

能得赦宥福壽無窮

若棄鴻恩不肯信從

沉淪火坑無底

得救之日正在此時  
千萬不可錯過恩期  
爭先入門惟恐或遲  
天上有福全美

第九首 來就耶穌詩

我罪極重難靠自己  
着藉救主替我受死

蒙主吩咐罪人着梨  
耶穌奴丹就汝 又又

我罪極重欲遮賣默  
自家去洗都賣他格

懺除我罪佛主寶血  
耶穌奴丹就汝 又又

我罪極重心裏大病  
就像癢癩耳聾聾盲



醫治內心主務權柄

耶穌奴丹就汝

又又

我罪極重乞魔鬼管

做伊奴才都毛平安

主憐救我脫離撒但

耶穌奴丹就汝

又又

我罪極重主恩無比

赦罪祝福救濟扶提

主務命令著信莫疑

耶穌奴丹就汝

又又

我罪極重主恩深奧

替我硬心忽然換去

情願歸主憑主真道

耶穌奴丹就汝

又又

第十首 十字架詩

大家着看上帝聖羔

釘十字架釘十字架

身體流血無價之寶

落十字架落十字架

耶穌受苦開聲大呼

天父天父因何離奴

救主擔當世間罪辜

落十字架落十字架

聖羔贖罪功勞做成

落十字架落十字架

撒但敗陣救主大贏

落十字架落十字架

大石裂開高山陡種

上帝愛子受死救僕

鴻恩施及南北西東

落十字架落十字架

不論何往我著揚傳

主十字架主十字架

誇口稱呼御只一件

主十字架主十字架

歸順救主我心歡喜

決意主名長長讚美

上帝聖羔替奴受死

落十字架落十字架

第十一首

上帝聖羔詩

上帝聖羔極夫清潔

落十字架流出寶血

伊滿心裏慈悲仁愛

反乞呆仗凌辱殘害

眾仗其罪聖羔擔當

使奴罪仗得上天堂

懇求聖羔耶穌替我可憐

上帝聖羔極夫清潔

落十字架流出寶血

伊滿心裏慈悲仁愛

反乞呆伙凌辱殘害

眾伙其罪聖羔擔當

使奴罪伙得上天堂

懇求聖羔耶穌救我性命

上帝聖羔極夫清潔

落十字架流出寶血

伊滿心裏慈悲仁愛

反乞呆伙凌辱殘害

眾伙其罪聖羔擔當

使奴罪伙得上天堂

讚美聖羔耶穌讚美無盡

第十二首 耶穌福源詩

萬福源頭救主耶穌 教我稱讚汝尊名  
主其恩惠無量賜奴 應該讚美盡大聲  
聖使在天讚美熱心 日暝唱詩聲和諧  
恩惠賜我比伊更深 應該讚美聲故大  
只塊著立記恩石碑 學撒母耳早所做  
主保護我延及此時 至尾的的休離去

耶穌看我像羊失群  
流伊寶血救我靈魂

遠離天父行大鄭  
仅梨追我歸羊欄

時時刻刻蒙主鴻恩

想欲報答毛擔當

應該一世服事敬尊

永遠跟主做同幫

可惜我心常離正路

全心奉獻毛心勢

但望耶穌做我心主

使我歸主永毛離

第十三首 耶穌盡美詩

耶穌基督其大名字

常常乞伏藝瀆

蒙昧不知上帝主意

耶穌伙伙著服

耶穌本來天地其主

屈身降世爲人

替人贖罪開活其路

切切休通看輕

我信耶穌就得赦罪

立爲上帝選民

仅得聖神感化安慰

德行福氣日新

耶穌名字比花故香

伊恩比蜜故甜

者恩比藥醫治心腸

他格安樂萬年

僕罵耶穌我讚美伊

日日時時尊敬

過世上天就唱新詩

歸榮耶穌無盡

第十四首

耶穌尊名詩

耶穌尊名入我耳空

像樂和諧其聲

主名我欲揚傳西東

使僕萬萬齊聽

耶穌恩愛感我內心

歡喜至講賣出

世間富貴財寶黃金

賣比耶穌祝福

諸凡恩賜我身著用

藉主去求僅得



上帝面前主名鄭重

主替罪人流血

我心常念耶穌其恩

者恩共藥一樣

懣解世間苦楚愁悶

福氣乞人無量

盡我一生歸榮耶穌

長長讚美毛煞

雖然過世主不離奴

末日駛我仅活

第十五首

認耶穌詩

我認耶穌毛驚小禮

務敢證見福音

主十字架人嫌頂晒

奴看大務光榮

耶穌名字至至貴至寶

世間無名可比

靠主生前免的煩惱

死後享福不已

耶穌全能總懃保護

深曉救主誠實

肉體靈魂託主照顧

保存至至審判日

末日耶穌懃認我名

落伊天父面前

賜我居住天上聖城

共主齊享永生

第十六首 主爲吾牧詩

主耶和華做我其牧

我休使驚缺乏

青草場地食飽安伏

近活水泉賣渴

有時行鄭離去羊群

善牧追我轉梨

邀由義路保我靈魂

顯主仁愛慈悲

行過死地危險位處

我也怀駛大驚

得主保佑安然無事

使我安心去行

主替非仗大設酒席

仇敵看見妒忌

桌排滿滿恩惠週密

毛缺一件福氣

主耶和華恩惠慈悲  
至終共我毛離  
死期儻至使我歸伊  
永遠蘇伊厝裏

第十七首 慕主之恩詩

天上主宰是我其主  
趁早我著求伊  
伊恩頂好使我思慕  
我主滿心慈悲  
我慕主恩心裏盡渴  
目睨向天常舉  
就像大旱雨水缺乏  
望天起雲下雨  
得主恩惠我心安樂  
嘴舌不禁讚美

嘉餽美味山珍海錯  
共主其恩難比

我念主恩日暝毛歇  
做夢思想喜歡

靠主保護你驚軟弱  
踣主翻下平安

仇敵設計欲害我命  
伊計乞主看破

到底空空害我實成  
仇敵反受惡報

第十八首 除罪寶泉詩

以馬內利脅下出滅  
活泉湧出寶血

梨者泉洗諸凡罪名  
惡跡都儘他格

共主齊釘務一隻伙  
看者寶泉得意  
我罪雖然共伊相同  
懺信也得福氣  
以馬內利寶血神妙  
除罪功效無量  
無數罪伙洗淨以後  
靈驗共早一樣  
自家聖神開我靈竅  
曉的贖罪道理  
我看世情無一切要  
那務耶穌而已  
贖我罪過救我靈魂  
世人設法空空  
使我上天免的沉淪  
主流寶血紅紅

在天享福無了日期  
全靠救主名字  
應該長長大聲唱詩  
讚美以馬內利

第十九首 上帝保佑詩

我舉目朝向天  
上帝居住所在

上帝恩惠極大無邊  
靠伊總賣受害

創造天地上帝  
你比奴伙着困

早晚保護極夫仔細  
駛我日暝穩當

上帝長長保佑  
出入都得平安

只個仇敵主管懺葑

我心毛驚患難

第二十首 善人得福詩

離去罪伙其路

心裏毛藏呆惡

聖經天道日暝思慕

者伙真真務福

者伙可比做模

栽落江河岸邊

開枝發葉極夫秀茂

菓子仅大仅甜

好伙左右迎祥

福氣都毛欠缺

上帝保護安慰非常

死後居住天國



呆伙可比粗糠

煞尾的的毛好

時至米粟伙收入倉

粗糠乞風吹去

遇着審判日子

好伙呆伙二帮

呆伙先落地獄永死

好伙就上天堂

第二十一首

天父洪恩詩

我心實在歡喜

感謝上帝大恩

救我身體靈魂免死

誠心實意敬尊

上帝慈悲極大

將我諸罪赦去

身心所用日日賜我

疾病替我捫好

上帝除我罪愆

像東離西許遠

因爲耶穌賜我上天

靈魂免的死亡

敬畏上帝之人

上帝待伊像仔

就是罷奶慈愛其心

也賣共主比併

奴伙在世暫時

榮華富貴賣久

時至天父召我歸伊

永遠居住天堂

天上聖使萬萬

地下世人許個

敬畏上帝同聲稱讚  
我心讚美上帝

第二十二首 早晨詩

仅過一晷平安好困  
感謝上帝保護穩當  
現在日出休通懶惰  
着早起起誠心祈禱  
受主本錢切莫藏困  
勉力去趁項主梨算  
日月如梭豈可遲緩  
三寸氣斷就受審判  
講話做代應該誠實  
良心做鏡着明如日  
心緒念頭上帝鑒察  
落主面前欲瞞毛法

丹靠救主懇求天父

除我罪過像收雲霧

駛我心裏惡慾懣死

聖神感化善念發起

今日一日所想所做

倚望天父扶持引導

使我凡事盡心盡意

歸榮上帝其大名字

萬福之源獨一上帝

父子聖神三位一體

願天下伙協力同聲

齊齊稱讚我主尊名

第二十三首

晚詩

仅過一日毛受艱難

感謝上帝保護平安

丹欲去困懇求天父

將我微身一晷照顧

今日得罪或隱或現

靠汝愛子望求赦免

駛我今晷都毛煩惱

仰天無懼共伙和好

合主旨意賜我好困

一晷至光藉主穩當

明日起梨爽快務力

做主工夫故贏今日

或且半暝困賣落眠

助我所禱心向天情

莫想邪事莫起惡慾

魔鬼俚梨望主驅逐

助我一生歸榮主名

視死如睡入墓莫驚

駛我始終守主真理

末日出墓榮耀越起

在世着困身體軟弱

上天服事日暝毛歇

共萬天使唱詩彈琴

讚美上帝父子聖神

第二十四首

拜六晚詩

平安仅過一禮拜

感謝上帝大仁愛

丹求天上大郎罷

明日祝福普天下

明日記念主仅活

明日福音傳廣闊

禮拜聖日第一好

身心安歇毛煩惱

罪人蒙恩日日新  
命存倚賴主保護  
六日做工爲口腹  
今晡世事辦調直  
明日且應該早起  
會集禮拜着專心  
生前歡喜守聖日  
靠主心安毛掛慮

感謝應該獻全心  
糧足因爲主照顧  
一日安息求天福  
明日專守安息日  
親近耶穌心歡喜  
齊求聖神大降臨  
死後享福樂無極  
儼至天堂務憑據

第二十五首

禮拜日早晨詩

平安儀至一禮拜

感謝上帝大仁愛

丹求天上大郎罷

今日祝福普天下

今日記念主儀活

今日福音傳廣闊

禮拜聖日第一好

身心安歇毛煩惱

罪仗蒙恩日日新

感謝應該獻全心

命存倚賴主保護

糧足因爲主照顧

六日做工爲口腹

一日安息求天福

拜六世事辦調直

今日專守安息日



聖日應該早起起  
會集禮拜着專心  
生前歡喜守聖日  
靠主心安毛掛慮

親近耶穌心歡喜  
齊求聖神大降臨  
死後享福樂無極  
懺至天堂務憑據

第二十六首

主復活安息日詩

耶穌今日出墓梨  
我僕應該相賀喜  
救世功勞丹做成

憑據頂大毛可疑  
救主尊名齊讚美  
共敵交戰主得贏

贖罪一回就清楚

救主係駛多受苦

封墓設兵盡徒勞

陰府放主毛奈何

救主暫時甘受屈

開路駛我得永福

耶穌仗活賣再死

撒但計窮誤自己

當時看見主墓空

可知主儼活萬伙

儂家共主做一體

頭旣上升四肢儼

共主齊葬齊上天

讚美主名萬萬年

耶穌本來永生道

天地伙毛伊創造

受死替伙開福門

權能恩惠件件全

第二十七首

勸上天堂詩

天堂都毛苦難

滿福許裏

好伙千千万萬

榮耀禮豎

唱詩盡去好聽

齊讚美耶穌大名

日暝歡喜大聲

至去萬世

天堂榮光燦爛

大家着入

地獄黑暗凄慘

該當逃避

齊梨倚藉救主

直頭轡上天其路

趕緊休通自誤

挨延靠佛

天堂毛伙怠慢

都是兄弟

許塊魔鬼撒但

都毛權勢

都是上帝子類

盡他格都毛犯罪

得主共伊一堆

永遠毛離

第二十八首

廣佈福音詩

蒙古中華至安南

日本天竺各國

百姓心裏盡黑暗  
天父慈悲大仁愛  
可惜衆人忒敬拜  
我做耶穌其門生  
着替別人太可憐  
福音著傳至海角  
使天下東西南北  
但望上帝大開門

真理大大欠缺  
養育保護萬民  
去拜偶像鬼神  
曉的救世法度  
教伊歸順天父  
乞人遠近都聽  
人人稱主大名  
使主真道通行

聖徒早至各地方

叫伙從死復生

願主穿手縛撒但

將伊奴才釋放

使伙歸主無數萬

天國滿世興旺

第二十九首

天國禧年詩

着吹禧年號筒

福音大喜其聲

天下萬姓萬伙

男女大細齊聽

禧年已至大赦日期

上帝遣子召我歸伊

我做亞當後裔

定罪逐出樂園

丹靠耶穌救主

蒙恩得上天堂

禧年已至大赦日期

上帝遣子召我歸伊

我做流犯亡人

受滅理所應該

天父心懷慈仁

設法救奴回來

禧年已至大赦日期

上帝遣子召我歸伊

天國門路大開

天父盛設恩席

罪人窮乏吃虧

着梨同坐飲食

禧年已至大赦日期

上帝遣子召我歸伊

第三十首

讚美上帝詩

讚美讚美上帝

活命福氣其主宰

我是天父創造

肉體靈魂伊賜我

我蒙上帝保護

自出世日至丹

上帝日暝照顧

身心都得平安

讚美讚美上帝

活命福氣其主宰

天父獨生愛子

捨去本身欲救我

耶穌甘願流血

替我獻祭贖罪

我罪伊洗他格

心裏無量安慰



讚美讚美上帝  
聖神卽保惠師  
聖神由天降臨  
創造我心重新  
讚美讚美上帝  
天父救主聖神  
天下萬國萬民  
該當協力同心

活命福氣其主宰  
天父應許賞賜我  
光照心裏黑暗  
應該大大稱讚  
活命福氣其主宰  
三位一體毛離我  
男女老幼大細  
讚美三一上帝

第三十一首 救主受難詩

着看耶穌釘十字架 聽伊哀苦聲音

雙手雙腕額頭脅下 寶血流出滿身

救主替伊受苦至極 你是欲救義人

佛是可憐伊其仇敵 者恩比海故深

主受苦時務恹神迹 地動石裂對并

日頭失光遍地暗黑 顯明救主全能

罪人蒙主贖救大恩 應該一世尊敬

藉主功勞得上天堂

讚美主名無盡

第三十二首

守禮拜日詩

六日工夫做清楚  
只徇俗慮著除去

今日安息免勞苦  
專心禮拜學天道

主可憐我身軟弱  
養我內心賜嗎喲

七日一日駛我歇  
一日儉嘖七日飽

罪人禱告心如渴  
主賜平安大且深

望主俯聽喜受納  
以此今日滿我心

主造大地後安息  
至死不變守主命

奴僕著學主樣式  
天堂安息樂無盡

第三十三首

教會同集謝恩詩

各伙現在會集

彼此僅得見面

同心讚美歸榮耶穌

蒙伊時常照應

藉著上帝保護

恩惠福氣周密

大家盡心感恩漢謝

落主面前會集

自從前回會過

各伙何等受苦

身體遇著病痛殘害

心裡搖惑苦楚

惟獨恩惠其主

務保奴僕至仝

脫離只恁迫逐憂苦

都得聖神平安

仝奴務敢誇口

是誇救主寵愛

救奴罪伙靈魂得生

儼至天堂崇拜

在世邁十字架

雖受凌辱萬般

等至我主快樂園中

齊戴榮耀花冠

第三十四首

教會辭別安慰詩

此時救主門生

辭別散歸各處

惟獨心裏時常交通

仁愛齊相顯著

奴仝各伙轉去

好像農夫做工

憑主命令各守職份

傳道南北西東

傳道雖是艱難

各伙的著忍耐

全藉救主施恩保護

總至天堂所在

各伙的著專心

慕者享福地場

仰望得享萬世平安

福壽地久天長

天堂永息勞苦

都毛病痛死亡

萬國門生會集許塊

福氣仁愛純全

第三十五首

永遠共主一堆詩

永遠共主一堆

是奴實心所願

藉主救奴由死仅活

福氣萬世興旺

和天堂都毛苦難

天堂都毛苦難

天堂上界都是仁愛

天堂都毛苦難

奴在世間做客

想歸救主天城

四處揚傳福音正道

行盡日日路程

和

懇求天父慈悲

補奴力量才能

駛奴一直行至天堂

享福落主面前

和

奴至過世日子

離去世間禍福

藉主就懺起死回生

永遠居住天國

和

在天奴無不知

福氣滿滿實衰

時常落主臺前讚美

永遠共主一堆

和

第三十六首

順服聖旨詩



上帝聖旨著憑

上帝榮耀顯明

靈魂得救著藉救主

過世懺至天庭

盡心服主其命

在世守我職任

實心實意出力去做

願成救主命令

細膩心思言行

就像落落主面前

願主助奴德行全備

審判可以得生

助奴時常忍耐

藉主休驚阻碍

行事存心休憑公義

難免永遠災害

第三十七首 求聖神感化詩

願主由天大降聖神  
像日光照我心

駛我隱微懺得會悟  
開我目矚光明

駛我信德日夜安甯  
開通我其疑心

時常助我熱心發起  
都毛背主恩情

駛我見覺本身罪孽  
倚藉耶穌寶血

顯我懺驚也懺歡喜  
仰求主施恩澤

放我各伙脫離罪刑  
賜我再生其心

駛我永遠讚美尊敬

上帝父子聖神

第三十八首

祈禱詩

上帝定者祈禱其例

是欲駛僕得主恩惠

救主門生終身祈禱

自蒙更生生日暝毛離

或遇病痛艱難顛倒

或心苦楚掛慮煩惱

或遭迫逐受害受刑

總著終身時刻祈禱

祈禱儼免靈魂受害

的著專心休通懈怠

有時心忙話講賣出

更著祈禱寬心忍耐

凡事的著藉主其名  
救主功勞總懃大贏  
所求所願所缺其代  
藉信祈禱都懃得成

第三十九首 充十字架兵詩

我是救主十字架兵  
跟隨聖羔聲音  
你通羞恥認主正道  
主名毛敢去稱  
斷毛儼我懃得平地  
行至天堂容易  
別儼著受許儼艱苦  
福氣隻懃全備  
將其儼我昧務仇人  
你駛受害受刑

世間挪毛是我朋友

懺助我至天庭

果然欲贏就著向前

願主賜我才能

我受苦難時常忍耐

望主真道通行

主帶精兵榮耀交戰

除滅魔鬼火箭

得勝其日雖離得遠

務信就像看見

至主榮耀降臨日子

百萬精兵排起

天上地下同心同意

齊齊崇拜讚美

第四十首 求德行純全詩

願獻全心讚美上帝

罪惡都離的遠

藉主寶血得恩頂

大合奴心所望

求主賜奴義行忠心

中居救主聖會

滿心仁愛喜樂和平

天道都毛違背

實心悔改謙虛奉道

信德日日加添

服事救主都毛懶惰

過世一定昇天

心緒品行一切換新

得主恩惠無量

公平正直清潔其心

都照救主模樣

願主賜奴信德成就  
敬主愛僕更深  
望主聖名尊貴榮耀  
居住奴僕內心

第四十一首 清潔內心詩

幸蒙救主寶血  
我得永遠歡喜  
全心所望藉主  
救主替奴受死  
是我救主是我上帝  
看伊寶血其寶  
流血贖罪恩施  
除盡世間罪孽  
蒙主施恩無限感激  
望主寶血其血

洗奴百般罪惡過失

賜奴內心清潔

願王太施寵愛慈悲

駛奴實心深信

等至天堂享福日期

得見救王其面

第四十二首

讚美救主寵愛詩

耶穌救世替僕受死

我著時常思慕讚美

勞苦其僕王賜平安

罪僕其担蒙王去擔

求王施恩賜奴就得

滿心喜樂除盡苦慟

雖然非苦害我煩惱

救王寶血都懺醫好



救主替僕當盡刑罰  
主身受死奴僕得活  
天下萬國無論古今  
味見只大仁愛其心

耶穌捨身除我災禍  
的著專心永遠思慕  
雖著天邊海角地場  
主其福音也着去傳

救主本是萬福其源  
普世其僕去啜賣完  
日暝我欲親近救主  
滿心仁愛永結好菓

第四十三首 請罪僕就耶穌詩

罪僕謙虛傷心缺乏  
實心悔改請進前

救王甘願現在救汝  
滿心仁愛施可憐  
王懃救汝王懃救汝  
汝莫可疑王才能  
罪人辛苦請就耶穌  
歡喜進前莫羞恥  
實心信王趕緊悔改  
全心藉王寶血洗  
救王恩惠救王恩惠  
罪人休駛用錢買  
莫乞良心耽擱挨延  
莫想自家懃自保  
罪人悔改來拜耶穌  
藉王其名常祈禱  
救王施恩救王施恩  
賜聖神助汝變好

罪人辛苦邁者重担  
受始祖其罪殘害  
救主甘願普救罪人  
伶着除一切關碍  
敬意進前敬意進前  
救主功勞中倚賴  
看汝救主流出血汗  
着客西馬尼園內  
看汝救主釘十字架  
替通世間人贖罪  
聽伊大叫聽伊大叫  
福音成全至萬代  
請看救主昇上天堂  
常替罪人做中保  
伶着全心實信救主  
時常藉伊名祈禱

惟有耶穌惟有耶穌

罪人悔改務倚靠

聖徒天使同聲和諧

讚美救主大名字

永遠稱讚贖罪功勞

萬世福氣都全備

啞哩咯嘢啞哩咯嘢

救世普化滿天地

第四十四首

初信耶穌喜樂詩

救主旨意順憑

錢財藏積天庭

日暝謹守天父其命令

得享救主寵愛

共教會齊崇拜

者人歡喜歡喜講賣盡

奴信救主道理

得着無盡歡喜

倚藉救主寶血得平安

當時奴心隻信

時常蒙主照應

甘願捨棄捨棄通世間

得主做奴模樣

在地共天相像

天使所享賣大者福氣

齊齊崇拜耶穌

蒙伊贖奴罪辜

滿塊揚傳揚傳主旨意

日日滿心歡喜

日日實意讚美

願世間萬萬國齊得聽

救主成全功德

替奴罪伙流血

永遠讚美讚美盡大聲

實心藉主寶血

天堂福氣儘得

歡喜進前感謝連崇拜

常憑救主命令

福氣真講賣盡

天父賜奴賜奴大仁愛

第四十五首

讚美上帝詩

列位老幼男女

都守救主道理

請汝專心歡喜漢謝

齊齊祈禱讚美

務伙伙入救主

者伙伙肯唱詩

惟獨救主各位門生

都是歡喜拜伊

至尊天上主宰

福壽萬萬難數

管理天下萬國萬民

日月風雲雨露

至大天上主宰

是奴至愛天父

臨終的懺接奴上天

永遠養育保護

在天奴賣犯罪

懺見天父其面

居住新創耶路撒冷

全藉天父照應

仍原故着世間

味得天堂大福

奴伙都着全心思慕

日暝倚望毛歇

救主門生蒙恩

在世也得榮耀

心裏懣結聖神好果

仁愛信實美妙

因此奴伙漢謝

日暝祈禱唱詩

歡喜行盡日日路程

倚望歸天日期

第四十六首

思慕救主恩詩

救主果然着奴心裏

繁華美景艱難忍耐

花鳥亭榭快樂一世

奴見毛毛安樂自在



夏天日頭無限光輝  
山水景致也休取意  
惟有救主共奴同歸  
奴心就有滿滿福氣  
救主名字比花故香  
伊講其話歌唱難完  
懣除奴心苦楚悲傷  
福氣安樂滿足十全  
願主永遠共奴一幫  
此外奴心並無別望  
福氣永遠萬載榮光  
時常喜樂心足意願  
奴見救主滿心歡喜  
凡事都得平安康健  
隨處隨時漢謝讚美  
心裏安慰真是無量

儼得救主實實愛奴

何難看破世間富貴

儼做救主中意門徒

就至監裏何必驚畏

奴儼實是救主門生

總儼謹守救主福音

將其日暝憂悶加添

將其時常憂苦在心

願主大施慈悲可憐

賜奴福氣都毛欠缺

過世之日藉主才能

就儼永遠居住天國

第四十七首

讚美救世鴻恩詩

鴻恩鴻恩救世

何等歡喜其聲

普天同讚上帝恩惠

遍地衆伙齊聽

鴻恩先開新路

救我世間罪人

層層顯明上帝恩溥

步步現主慈仁

鴻恩邀我離暗

引入天路去行

上帝時刻施恩照看

等至入伊天城

鴻恩辦完諸事

在天得享久長

天堂萬福都由恩賜

許塊感恩時常

第四十八首

萬國崇奉上帝詩

榮光全能上帝

旨意永遠懋成

汝恩極大命行頂快

萬國總奉汝名

上帝至尊至聖

天邊海角揚傳

世間衆人無不尊敬

稱讚地久天長

第四十九首

省心悟道詩

我人靜坐憫良心

便知罪過重且深

心思言行再細考

並毛半點合天道

從前罪孽難賠補

日日添罪招承禍

既犯大條必受罰

欲求脫離毛方法

幸蒙救主大可憐

替我受死贖罪愆

佞着實心倚藉伊

總懺得救何必疑

我受主恩何等深

懺蒙聖神化內心

從今以後求主助

件件都着憑天道

第五十首 真道要旨詩

有一上帝尊崇極至

天地人物是伊管治

感伊鴻恩服伊旨意

盡我虔心讚伊才智

有一律法載著聖經

天道人道都說分明

上帝啟示世人着憑

天條聖誠至公至仁

有一福音天恩廣闊

教我罪人得免永罰

倚藉耶穌救世方法

無數罪愆由此解脫

有一赦期須惜寸陰

悔罪改過信者福音

生前錯過昧改惡心

倚望得福何處追尋

第五十一首 基督降生詩

基督降生華光燦爛

景星天使告祥

童女懷胎馬槽臨產  
牧者博士傳揚  
美哉大哉我主耶穌  
上帝獨生其仔  
離去天堂降生下土  
欲救我伙活命  
在上榮光都歸天父  
和平恩澤萬方  
帝子下凡慈悲千古  
功德永遠純全  
美哉大哉我主耶穌  
上帝獨生其仔  
離去天堂降生下土  
捨身救我活命

第五十二首

耶穌降世救人詩

天下兆民齊聽嘉音

救主降生伯利恒城

光照萬國恩遍古今

大闢後裔耶穌聖名

美哉善哉我主耶穌

榮耀恩惠極大無邊

離去天堂降生下土

流伊寶血贖我罪愆

捨身贖罪功成德就

福音傳佈賜世太平

白日昇天坐上帝右

千秋讚美我主恩榮

美哉善哉我主耶穌

榮耀恩惠極大無邊

降世救人復歸原所

操權萬代赦我罪愆



第五十三首

論上帝三位一體詩

上帝道理盡去精微  
三位一體原毛終始  
父子聖神名務分別  
其中奧妙蒙伊指示

衆伙蒙昧竟然不知  
本性純全真大出奇  
至保惠師職懺扶持  
天使萬人都免可疑

第五十四首

論上帝永生詩

天上主宰頂早頂前  
天地萬物由伊創造  
世間諸毛都懺敗壞

毛毛比伊故先  
顯明盡大才能  
上帝永毛變更

主看千年就像一日  
可知原是永生

第五十五首  
論上帝無形無所不在詩

天上主宰本來無形  
自古及今管理萬民

毛叻儼看伊其形像  
也賣聽見主其聲音

在地在天都蒙照顧  
世間到處大降聖神

榮耀權柄都歸着主  
九洲萬國盡見威靈

第五十六首  
論上帝全能詩

至尊上帝着天庭  
智慧才能蓋古今

創造山河連天地  
九洲地界伊開闢  
眞懺操權至萬世

生成日月共星辰  
四季歲時主定明  
萬邦萬國盡歸榮

第五十七首

論上帝萬福之源詩

上帝活水其泉

眞是萬福本源

賜乞世間流都毛煞

伙伙去啜賣完

養育萬民恩厚

栽培百物德全

行善歸天的懺結果

着主快樂其園

第五十八首

論上帝無所不知詩

上帝精明總賣容欺

眾伙做代無所不知

判明世界務呆務好

看透人心或信或疑

背地作為都由在汝

臨期審判的賣瞞伊

不如正直儻行真道

懺得永生看見主時

第五十九首

論上帝洞察人心詩

天眼恢恢盡去光明

鑒察善惡世人

歪邪正直伊務分別

曉伙心意性情

天良喪盡災總難免

行惡禍的降臨

天道從來都務報應  
害人反害本身

第六十首  
論上帝至慈至悲詩

天上主宰至聖至慈  
常降聖神卽保惠師  
雨沃田園花木菓子  
日光宮殿儀共民居  
降生獨子功勞頂大  
普救萬民罪惡洗除  
仁愛慈悲羸過罷奶  
公平審判真極無私

第六十一首  
論上帝俯聽祈禱詩

虔心禱告上帝前  
倚望天主施可憐

保護萬民毛病痛

栽培五穀盡豐登

現時傳道毛關礙

過世靈魂得永生

願汝聽奴祈禱話

伙伙福壽大加增

第六十二首

論上帝至公至義詩

上帝管理世間

賞罰本盡公平

施行義理駛伙深服

審判好呆免爭

橫惡該遭災禍

循良應受平安

天堂地獄從嚴分別

信主賣蕩火坑

第六十三首 論上帝創造治理宇宙詩

至尊上帝坐着天城 天地都是由伊創成

雨露風雲隨時降下 山河江海闢賜伙行

四時熱冷常常變換 百物好呆件件造倩

惟有天機真是不測 齊齊讚美主其聖名

第六十四首 論萬國宜頌上帝詩

天上主宰極乎尊崇 自古都頌主功

日用糧草養奴肉體 聖神引導靈魂

福音感化性情變好  
共主心相交通

將歛鴻恩該當讚美  
萬民萬國相同

第六十五首  
論馬利亞頌美上帝詩

上帝在天無所不知  
俯伏實在懺頌揚伊

播傳聖教伊盡歡喜  
廣佈福音王就扶持

責備矜誇連務怠慢  
施恩仁愛仅共謙卑

可憐義僕名囉雅各  
應許子孫福氣剝來

第六十六首  
論頌上帝鴻恩詩



同聲歌頌主鴻恩

讚美唱詩理應當

感謝天恩深雨露

顯明帝德大乾坤

道傳世世都毛煞

福賜仸仸盡久長

透日唱歌稱主德

聲音倚儼達天堂

第六十七首

論求上帝拯救詩

世人罪惡萬千

邁重總難卸肩

望主寬容心著迫切

求伊拯救意虔

籲懇大施憐憫

祈求赦免罪愆

過失既蒙上帝寬宥

靈魂隻儼昇天

第六十八首

論耶穌恒偕上帝詩

耶穌原是上帝分身

終始一堆歷過古今

道像榮光時常燦爛

權操生命盡去威靈

降生塵世多行神跡

離別天庭普救子民

贖罪功成回轉天國

遷移天地變一番新

第六十九首

論耶穌代贖人罪詩

耶穌功德大無邊

憐憫世間罪萬千

甘願受苦救萬伙

流伊寶血滿身紅

嘴嘗膽醋海絨汁

頭戴冕旒荆棘結

三回祈禱心真虔

至後盲成歷萬年

身釘一時雖受死

屍埋三日仅活起

顯明救主盡才能

地動大石裂對并

降生塵世再昇天

原替世人贖罪愆

大衆蒙恩該記念

倚藉耶穌常行善

第七十首

論耶穌代爲中保詩

耶穌救世大功勞

在早降生落馬槽

憐憫世間罪惡陋

求父寬容御伊憊

感化萬民呆變好

自家替佢做中保

肢踏仇敵蓋世毛

驅除鬼怪共邪魔

常行神跡名聲出

恩賜衆佢都得福

醫病逐鬼做義人

開聲喝海風浪平

常獲聖經來解說

指點門徒莫背約

世世操權位極尊

古今永遠坐天堂

第七十一首 頌美耶穌救世詩

父駛耶穌拯救萬民 屈身降世為人

遍行各處播傳真道 時時廣佈福音

引導愚民敬尊聖教 離暗入去光明

超渡靈魂長長生活 都懺著主天庭

第七十二首 論耶穌教化詩

耶穌甘苦盡已親嘗 像做牧師真懺養羊

感化人心棄邪歸正 扶持世界懦弱羸強

播傳聖教移風易俗

自古以來真真罕有

第七十三首

世間萬物俾仗靈

俗見不通多固執

懇求上帝施恩惠

億兆蒼生蒙感化

第七十四首

講說聖經就用土腔

名聲萬古總務流傳

論聖神感化人心詩

善惡都由只塊心

人情愚蠢賣聰明

倚藉耶穌降聖神

自然心緒懣重新

論耶穌受難代贖人罪詩

園中所禱虔誠

儆戒門徒小心

受賄已經私傳暗號

差兵休駛搜尋

透暝縛擒基督

解乞祭司迅速

結黨同謀真是可恨

以致耶穌受屈

當時苦楚難當

釘死十字架中

捨身狗難替人贖罪

顯明救世鴻恩

害王得罪聖父

地動石裂天怒

三日墓開身仅昇天

聖徒都蒙超渡

功成回轉天庭

仅務天使降臨

講明耶穌由死仅活

指點眾伙勿驚

第七十五首

論聖神降臨詩

聖神美妙本是無形

自古以來都務降臨

火焰光明五旬節日

風聲響曉忽自天庭

顯明救主多行神跡

默示先知就著聖經

指點順憑天父旨意

分明感化眾伙心情

扶持懦弱快歸真道

引導奸邪受納福音



以致愚頑都懺悔改  
忽然蒙味也變精靈

多蒙上帝大施恩惠  
野鴉門生感動聖神

事見使徒行傳章節  
可知救主盡愛奴民

第七十六首  
論求聖神新造我心詩

聖神功德實在無邊  
普降總由上天

懺駛奸邪都歸忠直  
貪婪也變清廉

從今再莫順從私慾  
自然離去罪愆

感化奴心洗除舊染  
一番改換新鮮

第七十七首

論聖神撫慰人心詩

倚望耶穌大降聖神

時常安慰我各伙心

雖然受苦都毛驚畏

縱使關監信主更深

佛願靈魂真懺得救

怀愁肉體賣見安甯

從今隻隻齊見歡樂

莫獲世情苦累本身

第七十八首

論讚美聖神啟迪詩

至尊上帝永無雙

賞賜鴻恩引導伙

藉汝聖神常指示

駛奴蒙昧懺開通

揣摩道理都會悟  
從此蒙開茅草塞

講究聖經實變空  
大聲讚美著相同

第七十九首

論聖神獨能感人改惡詩

仗心懦弱居常

凡事總毛主席

始祖亞當傳流惡性

子孫喪盡天良

實曉棄邪歸正

蕩落罪惡地場

惟獨聖神駛伊悔改

重新變換心腸

第八十首

論受洗禮

彰明耶穌之血及聖神洗滌人罪詩

耶蘇降世果然超群  
寶血洗除奴伙俗慮

贖罪捨身懺建大功  
聖神引導大眾靈魂

人心感化都成他格  
教會至今施行洗禮

主惠遍施實在至公  
顯明救主聖其儀文

第八十一首

論始祖亞當貽罪於世詩

天上主宰至聖至尊

創成男女乾坤

凡伙惡性都由始祖

就是夏娃亞當

聽蛇詭言儉善惡果

災殃以致久長

順從魔鬼違背命令

罪惡傳諸子孫

故此隻隻損人利己

伙伙背義忘恩

自從出世都毛善性

良心天理何存

老幼吃虧居多病痛

尊卑盡賣安康

倚藉耶穌替伙贖罪

隻礎上去天堂

讚美上帝詩

其一

普天之下萬國萬民

同心讚美上帝

頌讚天父救主聖神

至尊三位一體

其二

天下萬國萬民

同心讚美上帝

頌讚天父救主聖神

至尊三位一體

其三

普天之下萬國萬民  
三位一體同榮同權

讚美上帝父子聖神  
萬物主宰萬福之源

其四

讚美天上主宰

創造天地共海

保護萬民

伙伙毛論大細

同聲讚美上帝

讚美三位一體

父子聖神

榕腔神詩終





